

金剛經
彌陀經
功德靈驗

合刊

附 佛學津梁
淨土要義

丙子孟春

楊壽枏敬署



金剛彌陀經功德靈驗籌印同仁一覽表

蔡絨三 洋二百元

榮德生 洋一百元

華耕義 洋一百元

夏三餘堂 洋一百元

張揆伯 洋一百元

華芬義 郵費一百元

楊味雲 洋五十元

許仁盒 郵費十元

侯紹先 郵費五元

吳爾敦 楊蔭萱 郵費十元

是編由同仁籌印一萬二千部並加印觀音靈感錄一千部郵寄全國政學紳商各界以為覺世牖民之助高誼良堪欽佩列表以誌勿謬 楊鍾鈺敬跋

金剛彌陀經功驗外埠向錫成公司定印一覽表

屠太夫人 洋十元

屠楚材 洋十元

凡各埠定印者由錫成依次列入此表以作紀念 鍾鈺敬誌

序文一

友人楊君章甫以所編金剛、彌陀二經功德靈驗合刊問序於余。竊以佛法精深無際，微妙難量。淺學如余，何敢妄談。然嘗聞諸佛因地，莫不由于大悲。生無上菩提心，當此邪說蠱起，災禍頻仍。楊君既懇懇然以自度度人爲懷，試就管見所及，聊貢愚誠。夫般若爲諸佛母，尚矣。淨土則全以彌陀願力接引十方世界念佛衆生，尤爲了生脫死之特別方便法門。要而言之，般若與淨土皆如來無上至真之妙道也。金剛經謂信受持誦是經，勝於無量七寶恆沙身命之布施，皆得成就無量無邊不可思議功德。當得阿耨多羅三藐三菩提。彌陀經讚是經不可思議功德，聞信受持皆爲一切諸佛所護念，不退轉於阿耨多羅三藐三菩提。噫，諸佛難值，妙法難聞。凡我同仁，獲遇斯經者，豈小因緣可不深自慶幸。奮發大心，勤修大行，荷担大法，而忍自暴棄甘向苦海沉淪。長夜辜負曠劫以來千萬佛所宿植無上之靈根哉。或曰：斯二經者，一則蕩遣名相，遣之又遣，杳然泯絕。若惟恐人有住着，一則建立名相，建之又建，五光十色。若惟恐人不忻慕，何其趣迥異至此。曰：佛爲無上醫王，其說法度生，無非應病與藥而已。衆生患病，萬端不出有空二見。以其染着於有，故縱恣塵情，自尋煩惱。以其偏執於空，故撥無因果。

造惡不休。諸佛設教。萬方不離真俗。二諦真諦明性空。以破衆生之有執。俗諦明緣起。以破衆生之空執。金剛經以降心離相。無住無得爲教。真諦所攝也。彌陀經以信願念佛求生淨土爲教。俗諦所攝也。雖分二諦同詮一心。此心本來湛寂清淨不染一塵。故說真諦此心本來圓明洞徹。具足萬德。故說俗諦二諦同本乎一心。其實何嘗有二哉。是以真非離俗之真。真若離俗不名爲諦。仍墮衆生之空執矣。俗非離真之俗。俗若離真亦不名爲諦。仍墮衆生之有執矣。惟其真不離俗。故金剛經曰。以無我人衆生壽者修一切善法。曰於法無住。行於布施。成就福德不可思量。蓋離相無住清淨妙行。正所以顯發此心之恆沙妙德也。世之妄談般若。不修萬善。欲從邪見深坑。出生無盡福慧者。可以猛然而自省。惕然而自勵矣。惟其俗不離真。故彌陀經讚極樂國土功德莊嚴。殷勤勸囑。信願求生。而又教人念佛。以一心不亂爲期。蓋淨土之莊嚴。乃淨心所成就。斷非惑亂垢心所能感得。往生者也。况生卽無生。尤非空五蘊無四相者。不辦世之悠悠念佛。而貪戀塵緣。欲以具縛染心。期生淨土者。亦可憬然而自覺。決然而自拔矣。故知二諦相攝。真俗融通。斯二經者。同爲佛說。而叮嚀反覆。同以阿耨多羅三藐三菩提爲究竟。可知般若與淨土。如車兩輪。如鳥兩翼。相輔而行。殊塗同歸。所謂無不從此法。

界流出無不還歸此法界矣。或曰：斯二者果同一轍，但依一經修持可乎？曰：諸佛說法平等，但隨機感而現差別。往昔人根猛利，以禪觀而證道者，代不乏人。逮今末法時期，衆生業重，縱能徹悟般若，無奈積習深痼，倘有絲毫未能斷除，淨盡依舊，隨業流轉六道，期脫輪迴，無有是處。大集經云：末法時中，億億人修道，未有一得者。大本彌陀經云：當來之世，經道滅盡，我以慈悲哀憫，特留此經，衆生值者，隨意所願，皆可得度。故知末法行人，志求無上菩提之道，非信願念佛求生淨土，帶業橫超，不可。惟此淨土一門，庶幾可以保任不退初心，一生成辦。然即帶業往生，亦大不易。試觀世之念佛者，夥如牛毛，生西者，稀於鱗角。故修念佛者，又應以般若正智照破情塵，遠離物欲，成就忍力，迴向萬善，藉作資糧。庶幾可以保任淨願，不虛往生。可必由是以觀。二經雖不可偏廢，而要以淨土爲主，般若爲助。或又請曰：嘗聞佛法廣大，攝盡世出世法。今此二經流傳中國，可謂普且遠矣。豈非以其精攝法要，廣被羣機耶？某於佛法未遑深究，請就二經而聞其要可乎？曰：昔者白樂天嘗問佛法於烏窠禪師，師曰：諸惡莫作，衆善奉行，樂天曰：此語三歲小兒也。曉得師曰：八十老翁也行不得。故知佛法簡言之，斷惡修善而已。金剛以能斷爲義，斷一切惡也。一切諸惡，以我相爲根本，人相、衆生相、壽者相，等、輾轉相。

因。而。生。實。皆。我。相。之。所。變。執。我。既。深。種。種。惡。業。遂。因。而。起。縱。斷。殺。盜。淫。妄。貪。瞋。痴。等。一。切。諸。惡。而。未。忘。我。相。是。斷。惡。尚。未。淨。盡。也。縱。修。慈。悲。喜。捨。戒。定。慧。等。一。切。諸。善。而。猶。存。我。執。是。修。善。尚。未。充。量。也。是。故。斷。惡。以。破。我。執。爲。第。一。淨。土。萬。德。莊。嚴。修。一。切。善。也。一。切。諸。善。以。念。佛。爲。極。致。佛。者。自。覺。覺。他。覺。行。圓。滿。也。斷。惡。至。極。無。惑。不。盡。圓。滿。自。覺。修。善。至。極。無。機。不。被。圓。滿。覺。他。是。之。謂。佛。常。念。彌。陀。諸。佛。爲。已。成。佛。已。與。衆。生。爲。當。成。佛。自。起。平。等。之。敬。自。興。同。體。之。悲。何。道。不。行。何。德。不。修。何。福。不。集。何。生。不。度。是。故。修。善。以。念。佛。爲。第。一。我。執。爲。感。生。穢。土。之。本。念。念。破。我。執。卽。念。念。出。娑。婆。也。念。佛。爲。感。生。淨。土。之。因。心。念。佛。卽。心。心。生。極。樂。也。果。能。如。是。以。念。佛。心。破。我。執。以。無。我。心。念。佛。至。誠。無。息。則。全。機。在。握。萬。法。由。心。何。惡。不。止。何。善。不。興。當。來。往。生。極。樂。不。退。菩。提。轉。無。上。輪。廣。度。羣。品。經。所。謂。成。就。無。量。無。邊。不。可。思。議。功。德。者。何。假。外。求。中。庸。曰。誠。者。自。成。也。觀。此。功。德。靈。驗。之。一。斑。有。志。之。士。可。以。毅。然。自。任。奮。然。興。起。矣。法。華。經。曰。心。生。大。歡。喜。自。知。當。作。佛。豈。不。信。哉。豈。不。信。哉。民。國。丙。子。春。正。月。蔚。芝。唐。文。治。謹。序。

序文二

西周中葉佛法已來。震旦周書異記及金湯編云。周昭王二十六年四月初八爲釋迦如來降誕之辰。其時日有重輪五色祥光徧照四方。王命太史蘇由筮之得乾之九五。曰此西方聖人降誕瑞相。却後教法來此。王命鐫石記之。列子載周穆王時西極有佛神來。王于終南山作中天臺于蒼頡臺。造三會道場以奉之。而五臺山檀臺山亦有穆王造佛寺古蹟。天人感通記及法苑珠林云。秦穆公時得一石製佛像。由余曰。臣聞佛好清淨。不進酒肉。愛惜物命。如保赤子。君欲祠之。果餅而已。公大悅。造銅像。建重閣。以供養之。斯二者實中國佛寺之濫觴。又列子仲尼篇引孔子之言曰。吾聞西方有大聖人不治而不亂。不言而自信。不化而自行。蕩蕩乎民無能名焉。漢劉向尋覓藏書。往往見有佛經。然則由余所述孔子所贊有繇來矣。厥後漢明帝求書天竺。創白馬寺。唐太宗製聖教序。尊玄奘師。宋仁宗詠淨土四詞頌彌陀海會三主。皆千古仁聖萬國來同。而隆重佛法如此。又若晉之王謝。唐之房杜。宋之韓范。富文皆名世。鉅公靡不皈信。三寶非以佛法慈悲化度。有裨政治風俗。故乎韓昌黎刺潮州。其民獷悍難馴。乃造十王殿。畫地獄相。以警惕之。潮民始化。故昌黎晚年多近高僧。歐陽公參政時。兼譯經潤文。

使洞見佛學淵微。深悔從前排佛之謬。作書訓子。臨終誦華嚴經第八卷而逝。詳見金湯編及吉安府志。論語稱白圭三復言不可不慎也。自歐風東漸。政衰俗穢。浩劫頻仍。二三同志。僉謂非藉佛教慈悲暨善惡因果。無以勵世磨鈍拯國顛危。鈺不敏。前刊布觀音靈感錄。以挽人心。茲又偕諸君子。刊布金剛彌陀兩經功德靈驗書。中多採孝義貞節。循良鉅德。宏化往生事蹟。藉資觀感。附以佛學津梁。淨土要義。擷取契經倫理。箴訓昔賢。修淨精語。俾海內同胞。翕然皈向。修善去惡。體佛度生化氛。診爲祥雲。變娑婆爲極樂。此則鈺等淑世仁民之微指也。民國丙子正月穀旦。無錫楊鍾鈺謹題于蒼松翠柏軒。

金剛般若波羅蜜經

姚秦三藏法師鳩摩羅什譯

法會因由分第一

如是我聞。一時佛在舍衛國祇樹給孤獨園。與大比丘衆千二百五十人俱。爾時世尊食時。著衣持鉢。入舍衛大城。乞食於其城中。次第乞已。還至本處。飯食訖。收衣鉢。洗足已。敷座而坐。

善現啓請分第二

時長老須菩提。在大衆中。卽從座起。偏袒右肩。右膝著地。合掌恭敬。而白佛言。希有世尊。如來善護念諸菩薩。善付囑諸菩薩。世尊。善男子。善女人。發阿耨多羅三藐三菩提心。云何應住。云何降伏其心。佛言。善哉。善哉。須菩提。如汝所說。如來善護念諸

菩薩善付囑諸菩薩。汝今諦聽。當爲汝說。善男子。善女人。發阿耨多羅三藐三菩提心。應如是住。如是降伏其心。唯然世尊。願樂欲聞。

大乘正宗分第三

佛告須菩提。諸菩薩摩訶薩。應如是降伏其心。所有一切衆生之類。若卵生。若胎生。若濕生。若化生。若有色。若無色。若有想。若無想。若非有想。非無想。我皆令入無餘涅槃而滅度之。如是滅度無量無數無邊衆生。實無衆生得滅度者。何以故。須菩提。若菩薩有我相。人相。衆生相。壽者相。卽非菩薩。

妙行無住分第四

復次。須菩提。菩薩於法。應無所住。行於布施。所謂不住色。布施。

不住聲香味觸法布施。須菩提。菩薩應如是布施。不住於相。何以故。若菩薩不住相布施。其福德不可思量。須菩提。於意云何。東方虛空可思量不。不也。世尊。須菩提。南西北方四維上下虛空。可思量不。不也。世尊。須菩提。菩薩無住相布施。福德亦復如是。不可思量。須菩提。菩薩但應如所教住。

如理實見分第五

須菩提。於意云何。可以身相見如來不。不也。世尊。不可以身相得見如來。何以故。如來所說身相。卽非身相。佛告須菩提。凡所有相。皆是虛妄。若見諸相非相。卽見如來。

正信希有分第六

須菩提。白佛言。世尊。頗有衆生。得聞如是言說章句。生實信不。

佛告須菩提。莫作是說。如來滅後。後五百歲。有持戒修福者。於此章句。能生信心。以此爲實。當知是人。不於一佛二佛三四五佛。而種善根。已於無量千萬佛。所種諸善根。聞是章句。乃至一念。生淨信者。須菩提。如來悉知悉見。是諸衆生。得如是無量福德。何以故。是諸衆生。無復我相。人相。衆生相。壽者相。無法相。亦無非法相。何以故。是諸衆生。若心取相。則爲著我人衆生壽者。若取法相。卽著我人衆生壽者。何以故。若取非法相。卽著我人衆生壽者。是故不應取法。不應取非法。以是義故。如來常說汝等比丘。知我說法。如筏喻者。法尙應捨。何況非法。

無得無說分第七

須菩提於意云何。如來得阿耨多羅三藐三菩提耶。如來有所

說法耶。須菩提言。如我解佛所說義。無有定法。名阿耨多羅三藐三菩提。亦無有定法。如來可說。何以故。如來所說法。皆不可取。不可說。非法。非非法。所以者何。一切賢聖。皆以無爲法而有差別。

依法出生分第八

須菩提於意云何。若人滿三千大千世界七寶。以用布施。是人所得福德。甯爲多不。須菩提言。甚多。世尊。何以故。是福德卽非福德性。是故如來說福德多。若復有人。於此經中受持。乃至四句偈等。爲他人說。其福勝彼。何以故。須菩提。一切諸佛及諸佛阿耨多羅三藐三菩提法。皆從此經出。須菩提。所謂佛法者。卽非佛法。

一相無相分第九

須菩提於意云何。須陀洹能作是念。我得須陀洹果。不須菩提言不也。世尊。何以故。須陀洹名爲入流。而無所入。不入色聲香味觸法。是名須陀洹。須菩提於意云何。斯陀含能作是念。我得斯陀含果。不須菩提言不也。世尊。何以故。斯陀含名一往來而實無往來。是名斯陀含。須菩提於意云何。阿那含能作是念。我得阿那含果。不須菩提言不也。世尊。何以故。阿那含名爲不來。而實無不來。是故名阿那含。須菩提於意云何。阿羅漢能作是念。我得阿羅漢道。不須菩提言不也。世尊。何以故。實無有法名阿羅漢。世尊。若阿羅漢作是念。我得阿羅漢道。卽爲著我人衆生壽者。世尊。佛說我得無諍三昧。人中最爲第一。是第一離欲。

阿羅漢。世尊。我不作是念。我是離欲阿羅漢。世尊。我若作是念。我得阿羅漢道。世尊。則不說須菩提。是樂阿蘭那行者。以須菩提實無所行。而名須菩提。是樂阿蘭那行。

莊嚴淨土分第十

佛告須菩提。於意云何。如來昔在然燈佛所。於法有所得不。不也。世尊。如來在然燈佛所。於法實無所得。須菩提。於意云何。菩薩莊嚴佛土。不不也。世尊。何以故。莊嚴佛土者。卽非莊嚴。是名莊嚴。是故須菩提。諸菩薩摩訶薩。應如是生清淨心。不應住色。生心。不應住聲香味觸法。生心。應無所住。而生其心。須菩提。譬如有人。身如須彌山王。於意云何。是身爲大。不須菩提言。甚大。世尊。何以故。佛說非身。是名大身。

無爲福勝分第十一

須菩提。如恆河中所有沙數。如是沙等恆河。於意云何。是諸恆河沙。甯爲多不。須菩提言。甚多。世尊。但諸恆河尚多無數。何況其沙。須菩提。我今實言告汝。若有善男子善女人。以七寶滿爾所恆河沙數三千大千世界。以用布施。得福多不。須菩提言。甚多。世尊。佛告須菩提。若善男子善女人。於此經中。乃至受持四句偈等。爲他人說。而此福德。勝前福德。

尊重正教分第十二

復次。須菩提。隨說是經。乃至四句偈等。當知此處。一切世間天人阿脩羅。皆應供養。如佛塔廟。何況有人。盡能受持讀誦。須菩提。當知是人。成就最上第一希有之法。若是經典所在之處。卽

爲有佛。若尊重弟子。

如法受持分第十三

爾時須菩提白佛言。世尊。當何名此經。我等云何奉持。佛告須菩提。是經名爲金剛般若波羅蜜。以是名字。汝當奉持。所以者何。須菩提。佛說般若波羅蜜。卽非般若波羅蜜。是名般若波羅蜜。須菩提於意云何。如來有所說法。不須菩提白佛言。世尊。如來無所說。須菩提於意云何。三千大千世界所有微塵。是爲多不。須菩提言。甚多。世尊。須菩提。諸微塵。如來說非微塵。是名微塵。如來說世界。非世界。是名世界。須菩提於意云何。可以三十二相見如來不。不也。世尊。不可以三十二相得見如來。何以故。如來說三十二相。卽是非相。是名三十二相。須菩提。若有善男